

## **Txoj Cai AB 181**

### **Txoj Cai AB 181 yog dabtsi?**

AB 181 yog ib qho kev tsim kev cai uas lub xeev pawg neeg tsim kev cai tab tom ntsuam xyuas es yog tias ho txiav txim muab ua kev cai kiag mas yuav muab lub cib fim rau cov menyuam kawm ntawv uas muaj cov kev ua tsis taus loj ntawm sab paj hlwb thiaj lav tau ntawv. Qhov no yog lwm txoj kev kawm ntawv kom thiaj txais tau ib daim ntawv kawm tiav dis plos mav.

### **Qhov kev kawm ntawv kom thiaj txais tau ib daim ntawv kawm tiav dis plos mav txawv ib daim ntawv puav pheej tias kawm ntawv tiav li cas?**

Qhov kev kawm ntawv kom thiaj txais tau ib daim ntawv kawm tiav dis plos mav yeej raug rau lub xeev tej tshooj lus teev cia, thiab rau tej ntaub ntawv kawm uas ua raws li qhov tsawg kawg nkaus uas lub xeev hais tias yuav tsum tau kawm paub zoo. Thaum ua tiav cov ntaub ntawv kom raws li cov cai tsa cia ntawm lub xeev, lub koom haum ncaj ke saib xyuas kev kawm ntawv (local education agency, LEA) yuav tau muab rau tus menyuam kawm ntawv daim ntawv uas lav tom tsev kawm ntawv. Hos daim ntawv puav pheej qhia tias kawm ntawv tiav yeej tsis koj nruj npaud, thiab raug rau ib tug tub ntxhais kawm ntawv cov hom phiaj IEP, tsis yog rau lub xeev tej tshooj lus teev cia.

### **Yog vim licas ho tau tsim txoj cai AB 181?**

Lwm txoj kev kawm ntawv kom thiaj txais tau ib daim ntawv kawm tiav no pab cov menyuam kawm ntawv uas muaj cov kev ua tsis taus loj tseem muaj lub cib fim txais ib daim ntawv kawm tiav dis plos mav, es lawv thiaj kawm tau ntawv qib siab dua thiab/los sis nrhiav hauj lwm ua. Piv txwv hais tias: Cov ntiav neeg ua hauj lwm feem coob hais tias yuav tsum muaj ib daim ntawv kawm tiav dis plos mav thiaj yuav ua hauj lwm, thiab txoj cai no yuav pab kom cov menyuam kawm ntawv no nrhiav tau hauj lwm ua.

### **Leej twg thiaj muaj cai kawm lwm txoj kev kawm ntawv kom thiaj txais tau ib daim ntawv kawm tiav dis plos mav?**

Cov menyuam kawm ntawv uas muaj ib qho IEP thiab tsim nyog xeev California Lwm Txoj Kev Xeev Ntawv (California Alternate Assessment, CAA) thaum nyob qib <sup>11</sup> thiab ua tiav tej ntawv kawm uas lub xeev hais kom kawm kom thiaj raug rau California tej kev cai lij choj (CA *Txoj Cai Rau Kev Kawm Ntawv* Toom 51225.3).

### **Qhov uas yuav txiav txim siab tias yuav xaiv ua raws li lwm txoj kev kawm ntawv kom thiaj txais tau ib daim ntawv kawm tiav dis plos mav puas yog yuav tas sij hawm?**

Yog. Pab pawg IEP yuav tau txiav txim thiab qhia tawm rau cov niam txiv/cov saib xyuas seb tus menyuam uas muaj IEP puas tsim nyog lav ntawv raws li lwm txoj kev kawm ntawv kom thiaj txais tau ib daim ntawv kawm tiav.

\*Lub tswv yim rau niam txiv: Sab laj txog tej cib fim uas muaj rau ntawm qhov kev sib txoos IEP thaum nyob qib <sup>8</sup>.

### **Puas yog ib tug tub ntxhais kawm ntawv uas kawm raws li txoj kev pab uas hais no tseem tsim nyog txais koog chaw kawm ntawv tej kev pab mus txog thaum muaj hnub nyoog 22 xyoos?**

Yog. Cov tub ntxhais kawm ntawv uas kawm ntawv tiav raws li kev pab kawm no yeej muaj cai txais kev kawm ntawv pub dawb (FAPE) mus txog thaum muaj hnub nyoog 22 xyoos. Koog kawm ntawv yeej meem yuav yog qhov chaw pab rau cov menyuam kawm ntawv raws li hais no lov?

### **Yuav muaj cib fim siv thaum twg?**

Ib tug uas muaj cov kev ua tsis taus loj, uas nkag qib cuaj thaum xyoo kawm ntawv 2022-23 lossis lig zog, mas yuav tsim nyog koom lwm txoj kev kawm ntawv kom thiaj txais tau ib daim ntawv kawm tiav. Cov menyuaam kawm ntawv/tsev neeg tham tau ntxiv nrog lawv lub koom haum saib xyuas kev kawm ntawv ncaj ke tshaj thiab/lossis lawv pab pawg IEP, thiab yeej meem nrog lawv pab pawg npaj IEP sib koom tes ua ke thiaj npaj tau rau cov hom phiaj tom qab kawm ntawv tiav lossis ntawm sab kev ua haujlwm.

### **Yuav kawm ntxiv txog txoj cai AB 181 thiab Kev Kawm Tus Kheej:**

**AB 181: Kev Kawm Ntawv Tshwj Xeeb thiab Kev Kawm Tus Kheej - Tej Cai, Lus Coj, & Lus Qhia (CA Dept of Education)**

